



Bosna i Hercegovina
Federacija Bosne i Hercegovine
Kantonarno tužilaštvo
Kantona Sarajevo

Broj: T09 0 KT 0206719 25

Sarajevo, 18.02.2026. godine

- PRITVOR - HITNO

OPĆINSKI SUD U SARAJEVU
Sudiji za prethodno saslušanje
S A R A J E V O

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, **podizem:**

O P T U Ž N I C U

Protiv:

1. JUSUFOVIĆ ELVIRA, po nadimku „Al Paćino“, rođen 1983. godine, nastanjen u ulici, nezaposlen, SSS, po zanimanju električar, neoženjen, nema djece, državljanin BiH, JMB:, lošeg imovnog stanja, **osuđivan Presudom Općinskog suda u Sarajevu broj 650K76728720 K od 20.10.2021. godine zbog krivičnog djela krađa iz čl. 286. stav 1 KZ FBiH, Presudom Općinskog suda u Sarajevu broj 650K764706 20 K od 24.03.2021. godine zbog krivičnog djela krađa iz čl. 286. stav 1 KZ FBiH, Presudom Općinskog suda u Sarajevu broj 650K76259419 K od 30.0.2020. godine zbog krivičnog djela teška krađa iz čl. 287. stav 1 tačka a KZ FBiH, Presudom Općinskog suda u Sarajevu broj 650K47074115 K od 07.09.2016. godine zbog krivičnog djela teška krađa iz čl. 287. stav 1 KZ FBiH u vezi sa čl. 28. istog Zakona, Presudom Općinskog suda u Sarajevu broj 650K26709812 K od 31.07.2014. godine zbog krivičnog djela teška krađa iz čl. 287. stav 1 tačka a KZ FBiH i dr, Presudom Općinskog suda u Sarajevu broj 650K03277813 K od 20.05.2014. godine zbog krivičnog djela krađa iz čl. 232. stav 1 KZ FBiH, te još 11 (jedanest puta) za ista krivična djela iz ranijeg perioda, zastupan po braniocu, advokatu iz Sarajeva, nalazi se u pritvoru po Rješenju Općinskog suda u Sarajevu od 28.11.2025. godine koji može trajati do 24.02.2026. godine ili do druge odluke suda,**

2. DERVIŠEVIĆ SENADA, po nadimku „Sempa“, rođen 1977. godine, nastanjen u ulici, nezaposlen, SSS, po zanimanju mašinski tehničar, neoženjen, državljanin BiH, JMB:, lošeg imovnog stanja, **osuđivan Presudom Općinskog suda u Sarajevu broj 650K83209622 K od 15.04.2024. godine zbog krivičnog djela teška krađa iz čl. 287. stav 1 tačka a KZ FBiH, Presudom Općinskog suda u Sarajevu broj 650K49139615 K od 5.5.2016. godine zbog krivičnog djela teška krađa iz čl. 287. stav 1 tačka a KZ FBiH, Presudom Općinskog suda u Sarajevu broj 650K07015609 K od 24.09.2014. godine zbog krivičnog djela krađa iz čl. 286. stav 1 KZ FBiH i čl. 239. stav 3 KZFBiH, Presudom Općinskog suda u Sarajevu broj 650K83689013 K od 20.06.2014. godine zbog krivičnog djela teška krađa iz čl. 287. stav 1 tačka a KZ**

FBiH, te još 12 (dvanaest puta) za ista krivična djela iz ranijeg perioda, zastupan po braniocu, advokatu iz Sarajeva, u toku drugi krivični postupak pred Općinskim sudom u Sarajevu po potvrđenoj optužnici zbog krivičnog djela teška krađa, nalazi se u pritvoru po Rješenju Općinskog suda u Sarajevu od 28.11.2025. godine koji može trajati do 24.02.2026. godine ili do druge odluke suda,

3. JUSUFOVIĆ ZIJADA, po nadimku „Zijo“, rođen 1981. godine, prijavljen na adresi, SSS, po zanimanju staklar, razveden, nema djece, nezaposlen, državljanin BiH, JMB:, lošeg imovnog stanja, **osuđivan Presudom Općinskog suda u Sarajevu broj 650K27388812 K od 09.07.2020. godine zbog krivičnog djela iz čl. 286. stav 1 KZ FBiH, Presudom Općinskog suda u Sarajevu broj: 650 K27388812K od 24.2.2015. godine zbog krivičnog djela teška krađa iz čl. 287. stav 1. tačka a) KZ FBiH u vezi sa čl. 55 istog zakona, Presudom Općinskog suda u Sarajevu broj 65 0 K 08000569 od 2.6.2008. godine zbog krivičnog djela iz čl. 287. stav 1. tačka a) KZ FBiH u vezi sa članom 31. i 55 istog Zakona, Presudom Općinskog suda u Sarajevu broj 65 0 K06512308 K od 5.7.2008. godine zbog krivičnog djela iz čl. 287. stav 1. tačka a) KZ FBiH u vezi sa čl. 31 i 55. istog Zakona, Presudom Općinskog suda u Sarajevu broj 065K10354509K2 od 4.6.2009. godine zbog krivičnog djela nasilje u porodici iz čl. 222. stav 2. u vezi stava 1. KZ FBiH, zastupan po braniocu, advokatu iz Sarajeva, nalazi se u pritvoru po Rješenju Općinskog suda u Sarajevu od 28.11.2025. godine koji može trajati do 24.02.2026. godine ili do druge odluke suda,**

Što su:

Jusufović Elvir i Dervišević Senad (zajedno)

1. U periodu od 24.11.2025. godine od 13,00 sati do 25.11.2025. godine do 10,00 sati, u Sarajevu, općina Vogošća, Jusufović Elvir i Dervišević Senad, zajedno i po prethodnom dogovoru, svjesni da oduzimaju tuđe pokretne stvari i da provaljuju u tuđe prostorije, s ciljem sticanja protivpravne imovinske koristi, što su i htjeli, iskoristili odsustvo B.H. korisnika stana, koji se nalazi na visokom prizemlju u stambenoj zgradi u ulici, općina Vogošća, vlasništvo H.A., gdje su zapiranjem uz upotrebu fizičke snage i metalne poluge tzv. pajsera, dužine 22 cm i odvijača, dužine 26 cm, pokušali nasilno otvoriti desni dvokrilni prozor koji se nalazi na visini od 230 cm od tla, u čemu nisu uspjeli, nakon čega su nastavili nasilan ulazak, tako što su uz upotrebu fizičke snage i pajsera i odvijača udaranjem i zapiranjem oštetili lijevo krilo prozora i razbili duplo staklo, te kroz načinjeni otvor nepravilnog oblika dimenzija 18x20 cm i 22x25 cm, ušli u unutrašnjost prostorije stana, gdje su izvršili premetačinu predmeta i stvari, gdje su tom prilikom pronašli, uzeli i prisvojili 1 (jedan) metalni sef marke „Master“, sive boje, sa zaštitom – šifra i sef ključ, u kojem su se nalazili dokumenti od stana i vikendice, 60 (šezdeset) komada metaka

kalibra 9 mm, novac u iznosu od 70.000,00 KM u apoenima od 50 i 100 KM i 22 000,00 EUR-a, rezervni ključ za vozilo marke „Audi” model A6, te ukupno 4 (četiri) mobina aparata i to 2 (dva) mobilna aparata nepoznate marke i modela, 1 (jedan) marke „Huawei”, 1 (jedan) mobitel marke „Redmi”, nakon čega su izašli kroz prozor prostorije dnevnog boravka i udaljili se sa oduzetim i prisvojenim predmetima sa lica mjesta travnatom površinom u pravcu ulice, čime su sebi pribavili protivpravnu imovinsku korist u iznosu od oko 135.000,00 KM (sto hiljada tristopedeset hiljada konvertibilnih maraka) i u istom iznosu oštetili B.H.,

Dakle, zajedno učinili krivično djelo obijanjem i provaljivanjem da dođu do stvari iz zatvorenih prostorija ili prostora, tuđe pokretnine oduzeli drugom s ciljem da njihovim prisvajanjem pribave sebi protupravnu imovinsku korist,

Jusufović Zijad (sam)

2. U periodu od 25.11.2025. godine od 10,00 sati do 26.11.2026. godine do 14,05 sati, u Sarajevu, općina Vogošća, nakon izvršenog krivičnog djela teške krađe na štetu B.H, izvršene u stanu u stambenoj zgradi u ulici, općina Vogošća na način opisan u tački 1. Optužnice, za koje postoji osnovana sumnja da su ga počinili Jusufović Elvir i Dervišević Senad, prikrivao tragove i stvari za koje zna da su pribavljene krivičnim djelom, tako što je novac u iznosu od 15.000,00 KM za koji je znao da potiče iz krivičnog djela počinjenog na štetu B.H., primio od svog brata Dervišević Senada i sakrio, što je i htio, svjestan da tako prikriva stvari i tragove pribavljene krivičnim djelom, čime je oštetio B.H.,

Dakle, stvar za koju zna da je pribavljena krivičnim djelom pribavio i prikrivao,

Čime bi:

- pod tačkom 1. Optužnice osumnjičeni Jusufović Elvir i Dervišević Senad počinili krivično djelo **Teška krađa** iz člana 287. stav 1. tačka a) Krivičnog zakona Federacije Bosne i Hercegovine, a sve u vezi sa čl. 31. istog Zakona, a
- pod tačkom 2. Optužnice osumnjičeni Jusufović Zijad počinio krivično djelo **Prikrivanje** iz čl. 300. stav 1. Krivičnog zakona Federacije Bosne i Hercegovine.

Na osnovu člana 151. stav 1. i 2. Zakona o krivičnom postupku Federacije BiH,
p o d n o s i m

P R I J E D L O G
ZA PRODUŽENJE MJERE PRITVORA

Tužilaštvo predlaže da Sud osumnjičenim Jusufović Elviru i Dervišević Senadu zbog krivičnog djela Teška krađa iz čl. 287. stav 1. KZ F BiH u vezi čl. 31. istog Zakona, i osumnjičenom Jusufović Zijadu zbog krivičnog djela Prikrivanje iz čl. 300. stav 1. KZ F BiH produži pritvor nakon potvrđivanja optužnice iz razloga propisanih članom 146. stav 1. tačka c) ZKP FBiH.

KANTONALNI TUŽILAC